



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 22/202	Løpenr: 22/2246
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	24.03.2022	010/2022

Faste saker

24.03.2022 Formannskapet:

Handsaming i møtet:

Ordføreren orienterer:

Flytningesituasjonen

Førebels målsetting om å ta imot 30 flyktningar frå Ukraina i Samnanger. Ser ut til at dette vil kunne gå bra.

Annonsering hos frivillige organisasjonar

Ordføreren har fått førespurnad om kommunal annonsering i Røde Kors-avis. Ordføreren ønskjer prinsippvedtak om kva policy kommunen skal ha for annonsering hos frivillige organisasjonar/tilsvarande. Formannskapet bad om å få opp sak om dette.

Mobildekning Rolvsvågområdet

Ordføreren orienterte om status i saka. Han er i dialog med mellom anna Telenor og fylkeskommunen.

Fleirbrukshall

Det er ønske om politisk observatør i prosjektgruppemøta. Ordføreren vil ta på seg denne rolla/oppgåva.

Etablering av fagråd laks- og sjøaure

Vil arbeida for å få opp bestanden av laks og sjøaure i Tyssevassdraget. Eviny, fylkeskommunen og Jeger- og fiskerlaget vil vera med i fagrådet, i tillegg til kommunen.

KVU E134 - arm til Bergen

Statens Vegvesen har no starta opp konseptutgreiing. Samnanger kommune er med i referansegruppe.

Interkommunal legevakt i Arna

Prøver no å få prosessen i gang gjen. Møte mellom Bergen, Osterøy og Samnanger 01.04.2022.

Kommunedelplan for Kvamskogen

Kvam herad har invitert ordføreren til å orientera på møte 27.04.2022.

Tokagjelsprosjektet

Politisk leiing og planleggjar deltok på møte 23.03.2022. Det blir no jobba med prinsippvedtak om bompengefinansiering.

Arbeidsgjevarutval

Arbeidsgjevarutvalet vil ha møte med rådmannen i løpet av våren.

Rådmannen orienterer:

Gangsti til Hagabotnane

Firmaet Byggadministrasjon Harald Bjørndal AS prosjekterer trasèen. Kommunegeolog har vore på synfaring. Arbeidet er i rute.

Oppgradering av eksisterande veg i Hagabakkane

Er i gang med forprosjekt. Kommunegeolog har vore på synfaring. I første omgang i gang med å prosjektera møtelommer i øvre del av vegen (den delen av vegen som ligg oppom dei øvste bustadhusa i Hagabakkane). Arbeidet er i rute. Vil ha klar sak til behandling i samband med budsjett- og økonomiplanarbeidet.

Orientering frå økonomisjefen

Frå og med neste møte vil økonomisjefen vera til stades i formannskapsmøta. Han vil under "rådmannen orienterer" halda ei kort orientering om ulike økonomiske forhold.

Møte i kommunal kriseleiing (KKL) i februar og mars

Rådmannen orienterte om møteaktiviteten i KKL i februar og mars 2022. Tema for møta var både pandemien og Ukraina-krigen. Kommunen har no gått tilbake til ordinær drift.

Ukraina-krigen

Rådmannen orienterte om status for kommunen sitt arbeid. NAV Samnanger koordinerer kommunen sitt arbeidet med førebuing av mottak av flyktningar frå Ukraina. Det kjem opp eiga sak i kommunestyret 07.04.2022.

Avtale om sal av konsesjonskraft

Det er inngått avtale med firmaet Kinect Energy AS om sal av konsesjonskraft også i 2023 og 2024. Dette er det same firmaet som kommunen har avtale med i dag.

Kommunal planstrategi

Rådmannen presenterte reglar m.m. for kommunal planstrategi. Ambisjon om å få sak om kommunal planstrategi opp i kommunestyret sitt juni-møte, og der vedta planstrategien.

Ny kommunalsjef helse og omsorg

Rådmannen presenterte kommunen sin nye kommunalsjef for helse og omsorg, Edith Oma.

Omsorg+

Kommunalsjef Edith Oma orienterte om status for arbeidet med etablering av omsorg+ i 1995-bygget på Samnangeheimen.

Utvalet sitt kvarter:

Flyktningesituasjonen

Øyvind Strømmen (MDG) spurde om kor mange flyktningar frå Ukraina IMDI har oppmoda kommunen om å ta imot. Rådmannen svara at talet er 30, og at dette er det same talet som kommunen tidlegare har meldt inn at me ser for oss å kunne ta imot.

Fartsgrense i Hagabakkane

Øyvind Strømmen (MDG) viste til initiativ frå oppsitjarar om fartsgrense i Hagabakkane, og spurde om status for denne saka. Rådmannen vil svara i neste kommunestyremøte.

Spørsmål om kommunal VA på Nordnes

Gunn Totland Moss (KrF) viste til VA-arbeidet som nyleg er gjort på Ytre-Tysse, og spurde om det også skal gjennomførast arbeid utanfor Ytre-Tysse (på Nordnes). Rådmannen vil svara i neste kommunestyremøte.

Oppgradering av veg Hagabakkane

Odd Arne Haga (Frp) viste til rådmannen si orientering om status for arbeidet med oppgradering av eksisterande veg til Hagabotnane. Han spurde om det også vil bli planlagt møteplassar i den midtre og nedre delen av vegen i Hagabakkane. Rådmannen vil svara i neste kommunestyremøte.

FORM- 010/2022 Vedtak:

Orienterings-/referatsaker vert tekne til orientering.

Rådmannen sitt framlegg til vedtak:

- Orienterings-/referatsaker vert tekne til orientering.

Oversikt over faste saker:

Eventuelle merknader til protokoll frå førre møte.

Orienterings-/referatsaker.

Utvalet sitt kvarter.